

河間府志 卷一
沒無遺命有司築堤障之

中統二十六年丁卯滄州樂陵旱棣州等處霖雨害稼免田租三萬三百五十六石

中統二十九年壬辰棣州境內春旱且霜夏復霖潦居民啖藜藿木葉山東廉訪司乞賑恤勅依東平例發附近官廩計口以給

元貞元年辛巳河間等路旱賑卹有差

大德元年乙未河間大名路旱丁巳真定順德河間大名平陽旱河間之樂壽交河疫死五百餘人次年

詔以水旱減郡國田租十分之三傷甚者盡免之

至治二年五月保定無隸河間等九縣大雨水五十餘日害稼民饑免其租之半

泰定元年景清滄莫等州旱免其田租

至順二年五月河間莫亭縣屯田水丁已遣官齎鈔十萬錠鹽引三萬五千道於通源陵滄四州優價和糴米三十萬石賑之

張珪字公端泰定帝時封蔡國公知經筵事得旨暫歸泰定三年春上遣使召珪期於必見珪至帝曰卿

來時民間如何對曰臣老矣少賓客不能遠知真定保定河間臣鄉里也民饑甚朝廷雖賑以金帛未及者十五六惟陛下念之帝惻然勅有司畢賑之

至正元年癸巳河間莫州滄州等處饑賑三萬五千錠二十五年八月癸酉以平灤河間保定路饑弛河泊之禁

丙申河南宣慰司請給河間真定等路流民糧遣還從之

深曰救災恤民當先事而爲之備苟活目前抑末

矣善哉高允之對魏主曰若國家廣田積穀公私有備則饑寒不足憂矣雖然使凶荒之民得免於死亡之患者則歷代卹政之功亦不可少也故志其槩云

時政洪武元年七月謂中書省臣曰中原兵難之後老稚孤貧者多有失所宜遣使賑恤之省臣以國用不足爲對

天順元年七月

詔曰山東順天河間二府地方爲因上年積水未消不

曾布種夏麥田地各該巡按御史按察司勘實具奏
該徵今年夏麥農桑絲絹悉與蠲免先令差官踏勘
山東河南北直隸空閑田地俱免踏勘其新增起科
田地除造冊已定外其餘悉皆除豁民間河難沙淤
田地所司踏勘是實即於空閑地面撥補應有情願
承佃拋荒田地者有司照畝認照輕例二年之後起
科就於本處倉廩送納其各處軍民人等天順元年
七月十二日以前借過預備倉等糧俱免還官以甦
民困

成化九年四月

詔曰被災之處成化九年夏稅小麥絲綿絹疋戶口食
鹽山東六府并順德廣平彰德三府盡蠲免順天河
間真定大名四府免五分保定一府免二分所屬州
縣災有輕重宜從巡撫官酌量施行其秋糧馬草并
衛所屯田子粒待秋後具實奏報處置

嘉靖十七年

詔曰一浙江等十三布政司并南北直隸府州縣嘉靖
十八年分除漕運糧斛四百萬石并解運京邊錢糧

照舊徵兌起運其餘夏秋稅糧馬草農桑人丁絲絹
布疋絲綿花絨屯田莊田牧馬草廠子粒租銀及甲
丁二庫蠟茶銅漆銀硃等料不分存留起運以十分
爲率俱免三分以蘇民困其十七年災傷重大地方
戶部查奏量行賑恤嘉靖十七年八月初四日戶科
給事中樊深上疏言災傷事據
巡撫保定都御史劉夔等題稱地方重大水患災傷
及直隸鳳陽等府邳州等州溧水等縣營州中屯等
衛各題稱重大水旱災傷等因通共九十四本已蒙
皇上勅下戶部其應徵稅糧將蒙有蠲免之惠矣臣請
以蠲免之政言之且謂蠲免之說古已行之即周禮荒
政所謂散利薄征之謂也其後代有行之而我
國家尤致意焉但古今蠲免之政稍有不同者古之
所行者覈免之惠也今之所行者通融之澤也何謂

之穀免如災及一分則蠲一分之稅災及二分則蠲
二分之徵是也何謂之通融免其存留而曲爲處補
改其本色而多徵其折色是也建議者每有起運並
免之說而該部題覆未有能盡行之者夫豈無其故
歟蓋以古者三年耕則有一年之食九年耕則有三
年之食而今則無其食矣古者歲用所出隨時損益
而二簋之薄亦可用享而今則不可能矣是以水旱
雖廣而四百萬之數則不可少也被災雖深而三分
之徵則不可缺也奈何蒞民之官上迫於常賦之不
可免而下阻於民困之不可催也每有緩征與帶徵
之說焉所謂緩徵者遲而勿急之謂也所謂帶徵者
豐年並徵之謂也有此二者而後民命始病
國課始虧矣蓋當秋田告成之時雖被水旱間有存者
及此時而徵之猶可輸其一二則從而緩之及至民
費已盡借貸已還然後慢令致期而刑罰始加焉民
始不勝其困矣所謂並徵者幸遇豐年已難爲並復
遇荒年則其累愈深矣是使所司慈祥之心而終爲
斯民陷穽之地也豈不爲可惜哉此則不當免者之

弊有如此也其當免者則必待百姓告於有司有司

奏

聞其日月之耽延不暇計也戶部必待撫按奏到方

與題覆其有司之所請未遽信也且道路遠近之

不同往來奔馳之不易動經一二月者有之四五月

者有之催責太急者蓋已竭民之二月者有之歛之矣雖

有寬免而欲其復還于百姓更易其折色也亦難矣

是使

國家慈愛之澤而終為姦人利已之資也豈不重可惜

哉此當免者之弊又如也且救荒之事較他務為

尤急處之不得其道則流離困苦隨之矣此蓋不可

不為之慮也伏望

皇上施予出納工役禮文乞行節減外仍

勅戶部凡遇各處奏到災傷速與題覆仍轉行各處撫

按等官凡遇有司報到災傷即與奏處成災分數速

與覈實有當免者加意訪治雖已徵歛仍散于民務

使得蒙實惠有不可免者亦行徵納勿貽後艱其倉

庫錢糧必多方預處廣積本色以備方春賑救之具

庶乎災傷可恤而民命可復矣該部題覆准行

嘉靖十八年

詔曰一被災地方應免錢糧詔書到日爲始已徵在官者收作本戶下年該納之數未徵者照例蠲免以蘇民困

又曰一各處地方災傷小民困苦着撫按司府州縣官加意存恤有流移的即時招徠或爲饑寒所迫一時嘯聚爲盜者即令自首解散悉宥其罪仍一體賑濟安插

郡邑養濟院

我朝法古立政詔天下郡縣俱立養濟院

河間暨所屬州縣一十八處其廢

疾無依不能自存者則育于養濟院

之內八月給米三斗歲給布一疋

郡厲壇邑厲壇

其無祀之鬼則有郡厲邑厲之祭使有所歸則不為厲焉

惠民藥局

民有疾者取給焉

義塚漏澤園

民死而無所歸也則官為給槨又有義塚漏澤園之設養生送死咸取給於官

矣

深曰河間災傷屢見而所遇有異焉被水災者十常八九被旱災者十常五六被蝗災者十常三四而地蠶水雹之類又十常一二存焉然瀛地苦寒

餘無別藝耕田而餒則他無可望矣而近時救荒之政有三輕則有蠲免之法重則有賑濟之令甚則有煮粥之策然蠲免善矣有緩不及時之憂賑濟仁矣有名存實亡之弊煮粥之事民困極矣雖善不足言也昔人謂救荒無善政其言可信耶

河間府志卷之十

河間府志卷之十一

樊深撰

武備志

志曰天生五材王建六師推亡固存國昌民益叔
世罔戢淫用成風攻伐稱賢斬刈斯併吾

皇統一爰列畿兵安厥生靈藩茲王室明武備

兵制

東漢建武十三年遣將軍馬成屯滹沱河以備匈奴
唐置渤海都督府隸幽州兵之戍邊者大曰軍小曰
守捉曰城曰鎮而揔之曰道若盧龍軍以東軍等守

捉十一曰平盧道橫海北平高陽經畧安塞納降唐
興渤海等十六曰范陽道而府兵之制頗有足稱唐
制府兵三百六十餘處惟河北爲多且勁蓋古者兵
法起於井田自周衰王制壞而不復至於府兵一寓
之於農其居處教養畜材待事動作休息皆有節目
雖不能盡合古法蓋亦得其大意焉此高祖太宗之
所以盛也至於後世子孫驕弱不能謹守屢變其制
夫置兵所以止亂及其弊也適足爲亂及其甚也至
困天下以養亂而遂至於亡焉其兵之大勢有三其

始盛也有府兵府兵廢而爲彍騎彍騎廢而方鎮之
兵盛矣方鎮之兵盛而唐遂以亡措置之勢使然也
宋咸平三年鎮定高陽關路都總管竝充禁軍馬軍
雲翼指揮

熙寧元年十二月詔京東武衛四十二指揮竝分隸
河北都總管司六指揮隸大名府路三十六指揮均
隸定州高陽兩路更成其休番者選差兵官三人依
河北教閱新法訓練仍差使臣押教
侍衛司侍衛親軍騎軍員僚直

顯德中周平三關召募強人及選高陽關馳捷兵為北面兩直建隆初選諸州騎兵及藩鎮廳頭召募人

等為左三直太平興國四年平太原選其騎兵為右三直北面兩直營具冀隸高陽關都部署

驍捷為周顯德中平三關揀諸州士卒壯勇者

驍銳年舊名散員指揮莫三冀一

雲翼廂總指揮三十三景祐以後增置二十三分左右

七保五滄北平末寧順安各二莫邢各一廣信肅各四

萬捷武開寶中募趙相倉冀州民立大中祥符中以驍

驍捷年本雍州強人指揮咸平三

武衛太平興國中募河北諸州兵立舊指揮十六慶